

Groot genoeg om genoeg te wees

Kolossense 1:15-23

Inleiding

- Ons het verlede week gesê dat
 - daar baie verskillende idees oor Christenskap in ons dorp is
 - streng Christen
 - kultuur Christen
 - super Christen
 - almal-het-maar-stukkies-Christen
 - Lone Ranger Christen
 - maar het uit Kolossense 1 geleer dat ons ware Christenskap kan uitken
 - aan geloofsvertroue
 - en liefde
 - wat staan op die fondasie van hoop
 - net geskep deur die regte evangelie oor Jesus reg beet te hê.
 - En groei is om op so manier as sy dissipel/appe
 - te leer en lewe en leer en lewe
 - sodat jou eerstepandse kennis oor God kan groei.
- Jesus se werk aan die kruis, en die nuus oor sy werk, is die krag wat so 'n lewe oopsluit vir my en jou (v14)
 - Waar Hy en sy afgehandelde werk oor my sonde ...my tot rus bring
 - En ek nie meer rus vir myself hoef te soek

- In allerhande ander ekstra Christen oefies
 - of nuutste stories oor Christenskap nie
- Maar, ...is net Jesus en sy werk regtig groot genoeg om genoeg te wees
 - Vir ál my nonsens?
 - Sodat ek Hom eenvoudig net kan vertrou en ander kan liehê?
 - Dis die vraag wat die volgende klomp verse uit Kolossense nou wil antwoord en waarna ons vanoggend gaan kyk...
 - Dis 'n lied van die eerste Christene oor Jesus wat hier aangehaal word en is bedoel om
 - ons breine te rek oor hoe groot ons dink Jesus is.
 - Dit wil vandag jou idee van hoe groot Jesus is oortref.
 - Sodat jy kan sien dat Hy groot genoeg is om genoeg te wees!

[Lees Kolossense 1:14-23 gaan]

Kom ons rek nou ons breine oor Jesus deur een vir een elkeen van die stellings oor Jesus bietjie uit te pak:

v15a – Die Seun is die beeld van God wat self nie gesien kan word nie

- Heel eerste word Jesus op dieselfde vlak as God geplaas.
 - Hy was nie net 'n mens met 'n wit rok, lang baard en slim woorde
 - wat 'n deelydse werkie vir God gedoen het
 - waaruit jy bietjie voordeel kan trek nie.
 - Hy is hoe God sou wees as jy hom sou kon sien.
 - Die vergestaltung van God self.
 - Later in vers 19 word ook gesê dat God besluit het om met **alles** wie Hy as God is, in Jesus te woon.
- Dis soos 'n seuntjie wat 'n prentjie sit en teken terwyl sy ma daar verbykom.
 - Sy vra hom: “Wat teken jy?”
 - En hy antwoord: “Ek teken 'n prentjie van God”.
 - En sy sê: “Maar niemand weet presies hoe God lyk nie.”
 - En hy antwoord: “Hulle sal as ek klaar is”.
- Dís Jesus – die 100% weergawe van God:
 - Eintlik meer as 'n prentjie oor God
 - God self wat vorm kry in mensvleis.
 - So wat Jesus kom doen het
 - Is eintlik God self wat dit gedoen het
- Maar hoe staan Jesus teenoor die skepping?

v15b – Die Seun is die eerste verhewe bo die skepping

- Hierdie uitdrukking 'die eerste' is letterlik: eersgeborene
 - Dit gaan oor Jesus se rang en gesag teenoor die skepping.
- Dink aan die eienaar van 'n groot besigheid soos Microsoft.
 - Bill Gates het dit begin, opgebou en is steeds die baas teenoor sy besigheid.
 - Niks en niemand in die besigheid het 'n groter sê as Bill Gates nie.
 - Gee nie om wat iemand in die maatskappy sê of doen nie,
 - dis Bill Gates s'n en as Bill iets wil doen... doen hy dit.
- Teenoor
 - die aardbol met sy ± 7 biljoen mense
 - wat elkeen koning van sy eie werf wil wees
 - en die heelal
 - met meer sterre as waarvoor ons name kan uitdink,
 - het Jesus die hoogste rang en posisie van gesag.
 - Hy het die eerste en die laaste sê.
- Hoekom?

- Want... sê v16,
 - alles is in die eerste plek deur Hom gemaak...
 - en vir Hom gemaak.
 - Wat alles?

 - Alles op die aarde:
 - Quarke, atome, molekules, genetika, chemie, mense, diere,
 - daardie kos wat daai sekere Christene meen jy nie mag eet nie
 - en daai hout wat in 'n masker ingekerf is wat jy kwansuis nie in jou huis mag hê nie.
 - Hy het tyd en ruimte en sterrestelsels gemaak, die sonnestelsel laat draai soos dit draai en seisoene en ritme op aarde bepaal.
 - Ook daardie dag waarop sekere Christene reken jy omtrent nie mag asem haal nie.

-Én... daar's meer...
 - ook als wat mens nie kan sien nie...
 - die Hemel, en geesteswêreld,
 - engele waarvoor die ouens in Kolosse gereken het jy moet bid (v).
 - Allerhande geestelike magte wat hier gelys is waarvan ons nie veel weet nie: konings, heersers, maghebbers en gesagvoerders.

- En... dit als is nie net deur Hom gemaak nie... maar vir Hom om oor Hom te praat.

- As ek 'n prentjie teken sê ek iets oor myself deur wat ek in daardie prentjie insluit.
- Die prentjie bestaan as gevolg van my... maar ook ter wille van my.
- Dis hoe Jesus uittroon bo die ganse alles

v17 – Voor als was Hy en deur Hom bly als

- En.... asof dit nie genoeg is nie sit v 17 nog 'n kersie op die koek...
- Voor al hierdie dinge bestaan het, het Jesus bestaan
 - en soos Hy hulle laat bestaan het,
 - hou Hy hulle ook een vir een daarna aan die gang:
 - quarke, atome, molekules, genetika, chemie, mense, diere, kos, ornamente, tyd, ruimte, sterre en sonnestelsels, seisoene en sonskyn somer dae en donderweerstorms.
 - Die hemel, engele, geeste en al die ander dinge waarvan ons so min verstaan rus als op sy skouers.
 - Amper soos die mitologiese Atlas wat die wêreld op sy skouers dra
 - Dra Jesus die kosmos
 - Sonder Jesus val die hele spul uitmekaar en disintegreer dit voor jy 'n oog kan knip.
- Jesus die Christus is baie groter en meer as wat meeste mense dink Hy is...

- en ek kan jou belowe, gee nie om hoe groot jy dink Hy is nie...
- Hy is nog groter.

v18 En Hý... Hý is die kop van die lyf, die kerk

- Kan jy dit glo...
- Hierdie onberekenbare genoegsame groot Jesus, is baas van die kerk.
 - Die kop ...van die lyf wat agter Hom aan beweeg
 - Die eenaar en oorsprong van Trinitas gemeente
 - Dissipels lewe direk uit Hom uit as bron van lewe,
 - en is deur Hom vas aan God.
- Hy het as belangrikste Een die seer en dood van die wêreld en ook Vanderbijlpark oorwin
 - Die dood, waaraan mense soveel tyd en geld spandeer om vanaf weg te snol.
 - Jesus het gewen en bo-op die rostrum gaan staan [v18].
- So het Jesus, 100% vol met God self, al hierdie sienbare en onsiebare dinge van Vanderbijlpark met God versoen.
 - Die woord 'versoen' is spesiaal.
 - Dis 'n verhouding woord.
 - 'n Regmaak woord.
 - As twee mense stry gekry het en die verhouding is stukkend, is versoening nodig.

- Versoening is as al die moeilikheid opgeruim is en daar vrede in 'n oop verhouding is. Dis reggemaak.
- Die verhouding met God is versoen
 - deur Jesus wat groot genoeg is om self met sy bloed my en jou skuld 100% te kon kanselleer...
 - sonder dat allerhande ekstras nodig is,
 - sonder dat mense se opinies en stories oor God nodig is.
 - want as die Een wat groot genoeg is om genoeg te wees
 - 'n ding reg gemaak het om reg te wees...
 - Waag jy baie as jy beweer... dis nie 100% reg nie...
 - jy moet nog 'dit' of 'dat'.

v21-23 Maak nou 'n gevolgtrekking

- Wat basies in v21-23 staan na die lied verby is, is dat:
 - As hierdie einste Hoof-Baas oor alles, Jesus,
 - Dan 100% julle skuld gekanselleer en direkte toegang gegee in 'n oop verhouding met God.
 - Is dit die evangelie/goeie nuus waarop Christene rotsvas moet staan as fondasie
 - En hulle nie laat losruk van hierdie sekerheid en vrede nie
 - Deur met allerhande dinge van die lewe te verbeel hulle gaan ekstra vrede kan loslaan.

- Die betekenis hiervan vir nie-Christene in Vanderbijlpark is:
 - Niks anders wat jy probeer vir vrede sal ooit genoeg wees om regtig genoeg te wees nie.
 - Nie jou aggressie nie
 - Nie jou manipulasie nie
 - Nie jou leuens nie
 - Nie jou diefstal nie
 - Nie jou skinder nie
 - Nie jou geweld nie
 - Maar as daar iemand is wat in rang en gesag bo als is en Hy bied homself aan as genoeg... dan is daar mos vir jou!

- En vir Christene in Vanderbijl:
 - Staan vas op hierdie vastehoop wat in julle wakker gemaak is dat Jesus groot genoeg is om genoeg te wees.
 - Moet julle nie 1cm daarvan laat weg-boelie nie.

 - Los die foefies!
 - Sekere dae, sekere kos, sekere ornamente, sekere klere, sekere rituele, sekere eetgewoontes. Sekere geestelike belewenisse, tale of toertjies. Argumente oor kerkliedjies en beker-grotes.
 - Om selfs net oor hierdie goeters te wonder steel jou sekerheid en vrymoedigheid en produktiwiteit in Jesus.

- Of jou Jesus is groot genoeg... of Hy is nie groot genoeg nie –
 - en jou tipe Christenskap sal dit verklap.
 - En eers as jy aanvaar dat Hy regtig groot genoeg is...
 - word Christenskap nie meer 'n godsdiens
 - waarin jy moet wees en goeters moet doen nie
 - dit word 'n beweging van hoop
 - wat daarop ingestel is om uit diep vrede en vreugde te lewe
 - wat vertel van die Een wat diep vrede en vreugde bring.

Slot

- Daar is verskillende tipes Christenskap
 - en verskillende weergawes van Jesus in Vanderbijl.
- Vir regte egte Christenskap
 - wat net op die evangelie staan
 - en 'n vaste lewende 1stehandse hoop in jou onvaste sukkelende hart bring,
 - is dié Jesus nodig wat groot genoeg is om genoeg te wees vir jy wat te min is.
- Hy is groter as wat jy dink...
- En as jy die tipe Christenskap het wat net op Hom staatmaak...

- 'stick to your guns'... suig die vrede tot diep in jou longe...
- en lewe daaruit... want Jesus is groot genoeg om genoeg te wees.

Amen

Griffel van Wyk
Trinitas
8 Maart 2015